



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會編

上海古籍出版社

清代詩文集彙編 七 一七

見在龔集二十二卷首一卷補遺二卷 濮文暉撰

蘇盦文錄二卷蘇盦駢文錄五卷蘇盦詩錄八卷蘇盦詞錄一卷 楊葆光撰

清華館詩稿一卷 郭沈昶撰

朝珊賸草一卷 林彭年撰

懷雅堂詩存四卷 鄭鴻撰

杏邨文藁一卷 游觀第撰

鴻磐盾墨合編六卷首一卷 宋裕椿撰

津門徵獻詩八卷 華鼎元撰

萬里游草殘稿三卷 陸光祖撰

一

二九五

四九七

五二三

五二五

五九一

六〇七

六七七

八一九

見在龕集

序

唐之詩人稱極盛開來繼往卓犖自名殆不可勝數獨元道州白太傅所爲詩切摯溫淑探綜性本有德人儒吏之風後之承流興起者必其情款機趣當官制行冥契同符庶幾胎息自然不汨其眞非拘拘聲容體製之末所可詭襲而輕蹈也溧水濮青士先生久官刑部以風節自見及出守河南所至綏輯幹理出俗吏上聲績播一世遭母憂遷居金陵不復出光緒中余始爲僑人獲從先生游於是先生年垂七十矣形貌清癯神致疏

見在龕集

序

一

朗音吐坦率無城府所居擅園池高柳千株每造先生蹀躞其下不欲去先生故工詩富於篇什凡有作天才照爛悱惻而委備不假雕飾文亦融性敷理哀樂相副嘗歎爲元白二賢遺軌未墜所謂維其有之是以似之者耶旣就養山東登八十用天年終未幾方宇沸擾遂改國步余亦竄海隅歷四五歲乃返故居俯仰之間耆艾殂落故舊流散驟起小生驍校布列市屋角出作氣勢至拒戶避匿不敢過而睨之若夫支筇命棹一觴一詠相與娛游匪僅求如先生其人邈不可復得而運殊

數極大雅不作文武道盡蓋有獨立蒼茫安能忍與終古之感矣今歲秋先生之孫良至自京師刊寄先生見在龕詩文凡二十二卷責一言語曰雖無老成人尙有典型因舉推論元白夙所窺測於先生者綴於篇俟後世稱引先生政事文學以折衷焉戊午十月義甯陳三立拜序

見在龕集

序

二

序

左氏載子產之言學而後入政未聞以政學者然隋唐以來用科第取士其中積高資躋顯要者無非以政學者也匪樸邀無能循例不事事及通悅不爲方幅鮮奏一績且次第得能名嗟夫政之無所學與學之不可入政比比一概也其中稍自殊異者又莫不人有一集懼其政之不可傳也欲借詩文鳴以爲學也夫政不能舉詩文雖可稱其上負於國下愧於民多矣況其詩文至猥且陋寓目者鮮求如飄風好音之過耳而亦靳之其

見在龕集

卷首序

一

入其文尙足稱邪

太姻丈濮青士年伯舉進士官刑曹有年初以文人名入官後謀舉其職於慎刑折獄持以至誠惻怛之意而力爭大體不爲阿撓之行以善忤內璫屢原其官當時輦下以政事文章名率有如公者蓋戴簡恪一流人物朝廷不善我公出爲南陽府知府南陽絳州縣十數稱有脂膏可潤公汰私爲公取便民事閭閻以清釐積訟除莠安良爲治於處置教案恆得竅要陰示裁抑而外設機括使之就馴與奉爲天驕子者有別郡

有角子山毗連四縣盜賊盤互其中莫敢誰何故事郡守出巡率取官道沿緣而反以一牒申上報可而已

公獨偕南陽鎮游擊躬歷險要由北山以抵南山又紆回曲折環山而止往來六百餘里歸牒大府條上防禦之策爲目有八且有他日御之失道必爲巨患之語後來泌陽之亂白狼之禍皆據此山出入鈔掠公料事之明如此 公年逾六十丁張太夫人憂因不復出優游林下享子舍之養凡十許年而沒於宣統初元福壽無比量天優善人於此可見 公初刻詩文未備冢孫

見在龔集

卷首 序

二

青孫編爲見在龔集二十二卷屬^{世珩}序之 公詩具體白蘇文亦出入藍鹿洲陸朗夫之閒取其達情自適不屑屑與文人較短長而當世之論詩文者亦知右公蓋因其政事一以學問濟之詩文雖餘事自無不持之有故言之成理而可傳也^{世珩}不敢多論舉其大者復於青孫以寓小子鑽仰之業未知其有當否丁巳十二月年家子姻再姪貴池劉世珩拜題

序

歲次丁巳五月政變猝起余挈眷避難津門青孫奉其大父 青士先生詩文集遺稿來寓告余曰此先大父之遺稿而畢生仕優則學之精力胥在於是小子編次期年餘剴削將竣敢請數言序之余謹受讀竟穆然想見先生之營歎益不能無所感於中世之亂也其厄運必先發端於文學故羸政生則火燭詩書黃巾起則帛化帷囊下至清濁同流儒丐並列均史有明徵洪楊之亂會文正於倉皇戎馬之中獨推崇桐城姚惜抱爲圭

見在龔集

卷首 序

一

臬迹其所成就誘掖之人物若左文襄李文忠彭剛直等武功之外幾無日不以文學爲第二生命一反前史之舊例此其故何也夫欲與當世賢士大夫互相提攜而建立非常之事業者決不能無精神之結合欲求精神之結合實無如文學足以煥發高尚之志趣與維持永久之情誼文正用兵外閫削平大難卒致小康數十年固在彼不在此豈臆說哉今者生民之禍亟矣世有悔悟日驅後進陷於盜名攘利之非計能效法文正之用心持文學以餉遺國人而一洗滌國人精神之垢穢

者興起乎是則青孫之刻是集行世實足以奉揚先人
之功德於無窮匪止表襮文學而已也先生詩文之敦
厚雅馴世當有定論不復贅濡筆爲序時正首都初定
全國沸騰風雨敝廬僑幾被壓之後二日也世愚再姪
杭縣袁毓麟謹序

見在龕集

卷首序

二

序

光緒乙巳冬爾裕挾所學渡遼時盛京將軍趙公興
墾政檄爾裕備員墾局濮公青孫亦與其事青孫才
高就範文學道德人也同寓瀋陽學宮暇則促膝談話
及文字青孫疑爾裕知詩出

太封翁青士先生詩並所評近作及使東紀程示爾裕

受而讀之乃慨然知青孫文學道德之有自來也謹以
短文爲序附詩郵濟南閱月寄還逐句評點凡作者詞
意之所到皆挾法以繩之如射示鵠總評云尊序頭緒

見在龕集卷首序

一

多而畦徑生乃能六轡在手範我馳驅篇幅雖隘而氣
意甚闊達有考據有提頓有脫卸穿貫而仍有綴有束
古文正軌也充厥才力成就大矣詩亦格法老成氣體
高朗逼眞杜派爾裕領悟既久轉恨不遇先生於十
年前也設遇之十年前則得此緒論發爲文章未必不
名成而見重於世然此後爲文漸知門徑矣次年爾裕
奉諱歸里松阡負土閱七月重返遼東取道濟南謁
先生先生年七十有七聲清如鐘體健如石神和如
春坐而問日子家琅邪諸葛忠武同里耶劉文正文清

公皆同里耶宜其然子能爲古文好爲之將可傳與子
孫良至交勿客視爾裕起而對曰敢不勉旣別又恨不

遇於十年前也自是與青孫訂文字交益親雖其閒宜

轍分馳或月一見歲一見經歲一見而互以文學道德

相切磋則十年如一日至山河易色雲泥分殊而不變

客冬青孫由吉林改掌江西財政爾裕受命任雙山

知事未幾巡按使侯官張公將他有所委任飭去雙山

去之日青孫招之賴下榻潛然曰先大父厭棄塵世

六年矣曩者詩與文分刻版隘而體例不完已請於家

見在龕集

卷首序

二

君擬合刻之以永於世先大父重君文今茲序訂編

輯之勞請君任之君許我乎曰淺陋如爾裕受太封

翁一紙書一席訓缺然未報已判古今今得全集而讀

之繕寫成帙幸莫甚焉烏敢辭長夏揮汗重讀全稿凡

詩文之關於身世遭逢人情風俗忠孝友慈及足迹所

經之地多錄焉其寫景賦物者留待續刻共次爲二十

二卷計詩十二卷依先生遺命以年之先後爲次文

則取姚惜抱古文辭類纂之例分論辨序跋書說贈序

傳狀碑誌雜記箴銘哀祭類爲十卷閱數月付手民而

爾裕有不能已於言者文字之工凡讀書者十或一二

自秦漢迄今工而傳者且萬千焉其工而不傳者尙不

啻恆河沙數然則人之賴文字以傳子孫壽其祖考特

傳以文字不亦小哉夫文以道性情者也性情者轉移

風俗者也性情厚其文必純純則可以清濁流廉貪夫

懲不肖由一鄉一邑而推之一國風之所向一往直前

欲遏抑之而勢必有所不能其性情反是者亦如之

先生官太守時輓龍馭太后其哀之誠發諸肺腑提

牢瑣記則澤及囚犯仁滿囹圄懷叔別母別墓諸什則

見在龕集

卷首序

三

垂老猶孺子也憶弟別妹哭弟諸篇則夢寐不忘同胞

也懷友哭友則山川不隔一死如生也凡關人忠孝節

義事尤不啻若自其口出何其純哉卽文之純以窺性

情之厚無惑乎若西蜀若燕趙若大梁若金陵若齊魯

沐先生之風人心猶若有所範不至肆然蹈澆漓也

而繼繼繩繩一門雍穆文學邃密道德涵濡更無論矣

先生以所秉於天者流露於語言寄託乎文字遂致

人心有趨於厚者豈僅可以文字之工爲先生傳哉

知此則青孫之亟亟梓先生之文而不僅恃文以傳

先生者其用心大可想矣歲在乙卯九月世再姪讀
城牛爾裕謹序

見在龕集

卷首序

四

原刻詩序

少時讀蘇文忠詩集竊歎其發源於忠孝勤施於政事
文章經濟雄視百代秦黃而外嗣音蓋希今讀青士先
生詩冥心默契若合符節綜其生平同異之故可得言
焉文忠孕精奎宿鍾異眉州扇揚馬之清芬得岷峨之
閒氣先生生於官舍實在涪江隨宦爲家誼若桑梓兒
時嬉戲雅近紗縠之行國士受知亦秉益州之節先生嘗居川督崇文勤幕中此一同也文忠縣縣世澤鼎鼎鴻文奉父作
師畜弟當友先生蘊真庭誥導源治譜壘兢爽尤愛

見在龕集

卷首序

一

隨州出一頭地均隸歐陽之門先生與隨州君同出臬蘭吳柳堂先生門下
上萬言書並對制科之策此二同也文忠蜚聲上第珥
筆承明宦績所傳治郡稱最先生秋曹十載春野一麾
救荒減常平之額柔遠止高麗之使南陽母物比杭守
之生祠開封治河卽潁州之異政此三同也文忠親授
楹書俱著朝籍人欽舊學代有令名先生養成鳳毛詔
之鯉對門興七葉樹亦三珠觥觥國器軼駕部之耶官
洋洋隱居儼斜川之專集此四同也文忠春夢呼婆秋
宵說鬼但誇真率不設町畦先生白社閒吟青山小住

忘機似鳥行脚如僧山中留帶偶參高座之禪雨後行
柴間話灌園之叟此五同也所異者文忠藤州道上子
季重逢草色天涯深閨託詠身爲謫宦運際清時卽當
內地之量移猶是金甌之無缺先生心孤桐軫坐冷蒲
團鰥眼常開絕少朝雲之侍雁行盡斷怕聽夜雨之聲
又況后有宣仁相無司馬三司條例甚熙甯之變法六
丁符篆幾靖康之釀禍此則人間玉局乞祠祿以何時
天上瓊樓歸帝鄉而無所以今視昔彌不逮矣至其詩
瓣香東坡讀者自能辨之不具書也光緒癸卯季春上

見在龕集

卷首序

二

元秦際唐序

詩稿自序

文選性情所餘偶寄於詩積有年矣刪之則斷自戊午
始時年二十有九是爲咸豐八年又四十餘年存十之
六仍不當意可愧也所託也淺而爲體也蕪顧其遞變
或有所得準以今昔析爲卷次升降離合之故亦自可
考而一生情事之大略者先後井然時復檢閱卽年譜
矣

文稿自序

文所以載道也有道之言斯成章矣順理成章乃謂之

見在龕集

卷首序

一

文無古今一也今有不爲帖括體者輒曰古文焉茲稿
所存皆雜家言耳本原淺而氣骨蕪豈惟不可語古並
不可曰文故標云雜作存稿

按文稿初印自標曰雜作存稿今詩文合刊原序仍
存

青士先生六十川像



見在龕集 卷首 像 贊

儒則純專助循身
嶙峋嶮嶮森森
蔡香座中孫子
孫孫永享乃先生
一笑而席吉
張錫鑾贊不遜

河南南陽府知府濮公行狀

曾祖蘭芬 贈奉政大夫

祖紹轄 誥封奉政大夫 晉贈資政大夫

父瑗 誥授奉政大夫 晉贈資政大夫

公諱文暹字青士晚號梅瘦子先世當宋南渡時由河南衛輝遷江蘇溧水子孫繁衍遂成望族公父琅圃公道光丙戌進士四川涪州知州有古循吏風生子四公其長也原名守照補本縣學附生旋以洪楊之亂道路梗阻更今名應順天鄉試中式咸豐己未 恩科舉人

見在龕集 卷首 行狀

一

同治乙丑科貢士 殿試二甲 賜進士出身歷官刑部陝西司主事陝西司員外郎四川司郎中京察一等簡放河南開封府遺缺知府題補南陽府知府升用道員 賞戴花翎加二品銜傳 旨嘉獎此公一生服官之大略也公長身鶴立秀頰疏髯目閃閃若巖下電幼承家法淹通經史善詩古文詞兼嗜鼓琴以時方多事宜博務有用之學乃從蜀中名士汪純庵習星象算學地理壬遁諸術以及刀槩擊刺靡不通曉早歲即與弟文昶齊負盛名及鄉會兩試中式又皆同榜並出吳

可讀御史門下時人以爲榮焉廷試前閱卷官某大臣欲羅致授意執弟子禮可詞林公拒不往改部曹時四川將軍完顏文勤公崇實知公名聘爲子師賓禮甚摯同光間兩次出使盛京皆以公隨章奏案牘悉公任之旣旋部補提牢廳廳故分南北二監向用舊囚爲頭目轄新囚恆虐遇之若督之嚴則縱囚越獄歷任無如之何公巡監互調其頭目蓋易地則爲新囚無權矣一年之間利興弊除著提牢瑣記趙公舒翹繼任是職復廣之爲提牢備考合刊行世時有內監出午門護軍稽查

見在龔集

卷首

行狀

二

不服推入門仆地誣以毆傷上訴奉 旨懲護軍公援祖制力爭攫刑部尙書怒不爲所屈庶子陳公寶琛持其說奏之卒如公議責內監護軍罪亦得減京師回民王正誼夙業鑣師世所稱大刀王五者也仗義招怨爲仇家中傷五城御史捕送刑部公廉知其有豪俠名審釋之正誼感再生德自是折節爲善士公官部曹久宅心平恕察事精詳遇 欽派重案皆得參決光緒癸未將有出任潼商道之命尙書某以部有河南大獄奏留公治之平反後授守南陽知公者莫不爲公惜公坦

然不爲意抵豫大府知公善聽斷交清理積案數十起未旬而竣一時有白面包公之目所至胥吏不敢舞文幻訟頓息郡守試文武童子進身之階也南陽亂時無修城團練費請於學使十三縣希前列者必捐貲如定額久沿爲例故南陽有十萬之名公盡革除人頌其廉由此寒士得自奮而無倖進者矣桐柏縣屬角子山險而僻盜藪也官斯土者多不能到公率輕騎往周覽形勢招集父老溫語撫循僉喜曰不圖今日得見父母遂爲之清戶口嚴保甲設汛兵民以獲安郡境極東胎簪

見在龔集

卷首

行狀

三

山爲淮水之源建瓴而下泌清諸流交匯其閒水道久不濬民苦沮洳公察其經行處築隄防以障之工成上河圖於長官長官諭各屬取爲法籌辦郡屬積穀具有詳章長官亦檄通省效之於是共得積穀八十餘萬石汴省之重積穀自公始也時天主教入中國而郡治新岡建總教堂爲全省冠遇事輒袒教民以擾官權桐柏徐令誤答二教民訴之公公驗傷重慮不治俄教士安西滿來請治徐令罪公漫應之曰教民乃吾民也俟審實再語汝又曰聞汝教施醫醫法良病民被汝惠吾甚

感今教中民創甚反不爲治乎勿使從教者怨汝而人不信汝也汝領去治傷吾懲傷之者教士從之公私謂人曰入我彀中矣倖而不死徐令之罪可追也及教民傷愈喚之來訊愈否曰愈曰縣官如汝父母父母責子亦常事吾如汝大父母念汝貧賞汝錢各數千當諭汝父母官善視汝欣然而去教士問故曰按律例官枉斃民命有罪誤責平民不過受申斥我已斥徐令矣且優待汝破例賞民諭各屬保汝教汝亦當約束教民勿生事教士服案遂解旣而教士請修城衛教堂公適述職

見在龔集

卷首 行狀

四

入都總理衙門徐侍郎謂公曰靳岡事勿違教士意對曰此地方之事操切恐激變況約章無教士修城之條設開此端各省效尤如大局何侍郎不懌及同郡眾果大譁將不利於教士匪復乘閒勢甚披猖幸公備之早不得逞又遣郡人士解其黨羽教士亦恐公語曰汝爲左右所惑違約敗名汝修城意果何爲教士曰吾誠誤信人言未與官紳約先聞政府已令准發巨款我國無收回成命例勢難中止奈何公笑曰易耳城有禁圍無禁也汝國知有城不知有圍汝告眾修圍而以城復命

卽兩解矣民教允服工將興不意總理衙門已爲之奏發銀萬兩命地方官代修公歎曰敗國家大事者總理衙門也改議飭教士領款自修巡撫不解其故問之覆云靳岡週三十里豈萬金所能歲事且地多浮沙築不能堅暑雨必圯賠修將無已時不如命彼自修永杜後患守南陽先後十餘年政通人和百廢俱舉中閒攝開封者三彰德者一審結撫院親軍誤傷命婦及臨漳縣令病狂殺妻南汝光道派勇拏匪誤斃平民各大案紳耆驚爲神明獻一聯云召父杜母包嚴歐寬當之洵無

見在龔集

卷首 行狀

五

愧色內行尤純篤嘗侍父病剖臂和藥以進秘不告人而臂痕至老猶墳起也終身禮斗爲母祈壽弟文昇官蜀文昶官楚文曦官浙繼母張太夫人往來就養習以爲樂迎養來郡時公郊外扶板輿入署觀者莫不欽歎及三四兩弟卒於官官虧各數千金公身任之教養諸姪如己子任開封時爲張太夫人七十正慶又因五世同堂奉 旨賞匾額綢緞銀兩咸噴噴稱爲人瑞比奉諱公年已逾六十矣哀毀如孺子杜門不出服闋戚友勸復仕公曰世事日非亂在旦夕早死爲福何官爲初

公以文學道德名於世足迹所經士大夫咸爭執贄至是書院改章當道延主江甯府學堂總教席教授經史佐以科學士習爲之一整末期年仍舍去研精內典辨論風生聽者忘倦每春秋佳日偕諸老友娛情文酒蒼顏白髮有香山洛社之風生平樂山水宦轍半天下名山大壑游覽殆遍歲乙巳就養山左伯子任所猶攜一童一笠登泰山絕頂觀日出而歸撰游岱隨筆一冊己酉十一月八十生辰賓朋奉觴上壽忽出自輓詞云就養東來且了却兒孫大事歸眞西去那管他風雪殘年

見在龕集 卷首 行狀

六

人皆驚訝急以他語亂之越二十五日爲十二月初九日以微疾卒時果風雪是殆有先見耶初聘張氏未笄卒娶陳氏封夫人淑雅工詩先公卒生子三長賢恪同治甲戌科考取漢臚錄官山東知縣歷任蒙陰新城滕縣新泰仲賢慈光緒乙酉科舉人官內閣中書委署侍讀國史館校對出任湖南同知保升知府季賢恆光緒己丑科舉人官戶部郎中出任廣西知府歷署鬱林潯州慶遠孫良至邑庠生官奉天知縣保升直隸州知州歷任吉林國稅廳籌備處處長江西財政廳廳長良疇

良略官直隸縣知事良畋良祓長子所出良煊官通判陸軍一等軍需良弗仲子所出良榮邑庠生官農工商部郎中良泰良森良釗良籌季子所出曾孫思沅思澤思源思澄思準思需孫良至所出思畊思湘思本思榮思棟孫良煊所出宣統二年庚戌與楓歸里次年葬於江甯南鄉善橋青山庫之原著有見在龕詩文集二十二卷付梓行世石話雜記算草各若干卷竊嘗論之自古有功德於人有文章可傳於後世者無不篤於情而以道爲任者也叔孫敖便民而民樂於生鄭子產爲政

見在龕集 卷首 行狀

七

首重上下親父子和情何篤哉公孫弘道民以禮風之以樂轅固生以治詩得博士而務正學以言非任道語耶史記循良儒林首傳之意微矣稽公生平視古循良儒林叔孫敖公孫弘諸人不謂過之亦當抗行雖未得張其權發文章經術之大此世運之不幸於公固無與也作霖生同里夙與譙游知公之梗概頗詳今令子又奉公事略乞文不敢以荒陋辭謹狀江甯舉人陳作霖撰

濮青士先生傳

余得見青士先生蓋在先生官刑曹時先生方以詩古文鳴日下余則始學爲古文以所作呈先生先生大賞之爲言文章主賓開闔之法娓娓無倦容余於是始知文章之難與文章之用先生每曰不盡讀九流之書勿輕言文不深通諸家旨要亦不能爲文人皆知爲文取法八家其實八家皆從周秦諸子來而諸子之文皆自道其學術所得非以爲文也此空言與實事之別也又云詩法止於放翁遺山後人爲詩皆得句而足成之耳

見在龕集

卷首 傳

一

又謂性情與性靈不同以性情爲詩則詩真故先生所爲詩皆能開闔元化綜貫性情無輕浮習同時及之者鮮然先生所韞實不止於詞章也同治乙丑成進士觀政於刑部著提牢瑣記刑曹以爲法式除郎中長秋審所決獄惟求所以生之法不得生乃已曹議稱平十餘年來爲先生所平反者無算如鑣師王正誼爲仇怨所扳先生湔雪出之卒爲善士以俠義聞京師從將軍崇實使奉天奉天改制如行省先生所建也出守南陽政聲洋溢於中州盛德之稱滿於人口南陽角子山號盜

見在龕集

卷首 傳

二

藪先生匹馬往擒其魁而撫其眾有上六府文謂他日御之失道必爲巨患後來泌陽之亂近者白狼之禍皆基於此以丁太夫人憂歸遂不復出卜居金陵之虹橋梅氏柏枧山房故址也登臨伫興談宴賦詩不異往日城南雨花臺城西掃葉樓皆步履所常經也尤愛花園中初花始榮必張筵命客以爲恆事先生天性孝友事繼母以孝聞三弟服官皆先先生歿代償有遺累者教授諸子姪得先後舉於鄉或爲之謀出仕次第有緒而先生囊橐蕭然矣晚依長君賢恪於山左又十年年八十以己酉十二月微疾而終將終之前數日作書徧別親故語皆珍重纏綿不似八十老人筆也所爲詩文手自定之名見在龕集凡若干卷本工天算有著述矣復見李王叔書出自以爲不能過之遂輟不復爲其服善也又如先生名文暹江蘇溧水人歲次丁巳孟春受業唐晏撰

見在龔集目錄

卷一 戊午至癸亥

詩

感懷三首

對鏡

贈友人鸚鵡以二律送之

兵亂遇金陵僧

送族兄南歸時金陵尚未克復

登嘉定府城樓

見在龔集

卷首 目錄

一

內子勸納妾詩以辭之

休洗紅

無題四首

己未北試別眉痕山館

蜀水謠

雞頭關題白石土地祠

即古七盤嶺

鳳嶺

題忠義錄爲江右余羅人孝廉瓚馨作也有子

四人同時戰死事具錄中

見在龔集

贈朝鮮使臣李善浩

廐橋行

大遊仙曲十首

辛酉十月得賊圍營山縣警報時仲弟蓮生官

此

書事

苦雨懷蓮生椿餘兩弟在圍城中

喜聞蓮生椿餘兩弟破賊解營山縣圍

讀壬戌年邸抄敬述

見在龔集

卷首 目錄

二

太常仙蝶歌有序

客以孔雀獻軍府者自言象一星終矣主人物

故憫其失所棲之朱門以畢餘生雀乃延頸

哀鳴尾脩不舞爲感而賦之

題朱石橋鹽運使戎馬省親圖即送之官錢塘

代崇樓山將軍作

題韓孟傳自立圖

題潘木君巡撫洞庭歸帆圖

探梅工部草堂聞賊警即寄仲弟營山縣

秋柳和顧丈幼耕韻

寄周芝珊

癸亥自夏徂秋偶有所得彙而錄之既無次序

亦不標題共六首

苦雨書懷三首

雲護落花處樂府

模山於此設凡

九月二十九日率弟妹妻兒輩至工部草堂敬

爲老母上壽

題徐鐵孫年丈梅花冊子

年丈以浙江杭嘉湖道殉節

見在龕集

卷首

目錄

三

觀崇樸山將軍兩公子習射

弔盧芑衫

有

題吟樵沈丈無定雲龕圖二首

前章感遇後章悼亡此作圖本

旨也

給米二首

卷二

甲子至丙寅

詩

甲子元日

二仙庵修禊四首

弔鶴

秋夜

官軍克復金陵四首

八月十五夜

望月

赴禮部試旅舍題壁

艇船峽

俗名牛肝馬肺峽以石肖形得名

襄陽道中

黃河北岸度歲

見在龕集

卷首

目錄

四

乙丑元日車中口占

途中雜感七首

西曹供職感賦

喜雨

西曹值宿

渡嶧山湖

淮上晤藍氏一妹卽別

淮上重九

揚州茶社